

四庫全書

集部

欽定四庫全書

懷清堂集卷四

吏部侍郎湯右曾撰

同查查浦俞陳芳游憫忠寺

幽州遼宋來憫忠寺最古緬昔締構初貞觀實英主長
策御區域四荒羅牖戶鴨頭漏帶水海外跨極浦益金
好鬚髯作事曹馬伍克殘義宜取豈曰此裔土關門士
十萬一一手摩撫英公應祕記西嶺吼虓虎瑤公卧若

龍東萊駭鉦鼓傳烽入塞垣破陣圖幕府登山紀功德
天子神且武豈知柳城南花生骨已腐哀忠塋遺骸傑
構闢宿莽要將龍象力洗此刀韞苦厭後上將旗聯翩
三十五俘獲獻昭陵談笑收五部所恨莫離支生未伏
鎗斧我來幾憑弔事往難覲縷荒碑半剝落莓苔漬伏
雨及此晚日晴松陰轉廊廡梵音寄喧寂秋容迷仰俯
朋好得兩三筆力挽強弩千年如轉燭萬里想負羽侍
考金石文前史非小補

過雙林寺

高柳鳴蟬已到門
小橋雨壞晝昏昏
茶香一勺知新味
鴻爪何年識舊痕
乍落槐花秋夢冷
自翻荷葉午風喧
癡人未用癡相惜
寶帶華纓一笑論

寄俞錦泉舍人三首

石家勾管好風光
紅袖圍中倒綠觴
十二年來如昨夢
舞筵猶記舊衣香

碧閣干畔月朧明
天祿圖書縱復橫
的是神仙有才子

艷歌聲外讀書聲

屋梁幾載寄相思不遣微霜點鬢絲
聞道先生新氣象酒邊瀟灑百篇詩

送吳青厓

初驚半面薊門霜乍別河干暑雨涼
共羨少年先入洛豈知才子倦游梁
庭分玉樹枝枝秀堂有槐花冉冉香
每到經樓最高處始知季虎氣堂堂

題楊青村點行圖

盤江水淙濺五溪石竦桀天寒迫殘歲我友萬里別垂
腰大令綬行意慘不悅我還笑謂君有美此才傑虎頭
食肉志固已輕九折豈比碌碌人跬步憚棲息志士有
高駕良馬無停轍龍蛇百尺姿正要飽霜雪夜郎古荒
服勇鬪劇猊挾只今知詩書諸生習綿蕪往看文翁化
魚貫就行列官閒亦何有俗朴門不閉陋邦雖苦貧往
往富金鐵催科幸無擾得酒笑且啞昔者君先人曾持
使者節六州思羊公遺愛猶可說至今百蠻地士女為

哽咽君還訪舊經碑字未磨滅耕烟今逸老妙手寫幽
絕山川與城郭好景非一設梯天一握近拔地寸步劣
最愛巉巉峯雲裏見壯凸果然有此境遙往計當決況
聞有丹砂磊砢出靈穴清詩照絕徼光比孤月潔還為
風土吟寄我寫勞結

題范夫人畫三絕句

新蟬

柳絮才高早擅名丹青餘事亦天成閒將鸞鳳駕鴛手

寫出新蟬第一聲

黃葵

金陵小筆畫葵黃千載同拈此瓣香綺繡一絲容不得
道家裝束淡衣裳

紅蓼

江南蓼岸紅無數多傍魚牀與釣槎標格一枝看更好
不須辛苦作叢花

李丹壑前輩見示白門集

十年誦君詩三年隔君面關河邈風雨塵土委筆硯君
行曾幾時日月如急箭別程槐黃黃鄉夢江練練天邊
念朋好雲外踈鴻雁每思合并難執手笑且扑寒暄無
恙外冰雪探一卷君才雙雕玉粹美無可揀十五登承
明麗藻壓羣彥詞場幾老宿斂手避文戰貞淫別雅鄭
同異考箋傳沈酣歲月來體製看數變蕭閒白門集暑
雨冷夏簟一曲長干行飄零幾歌扇秦淮好簾幕楊柳
萬條線一一思舊經悠悠托深眷江花開五色妙語讓

君擅沿流沂淮淝走馬過梁汴懷人弔古作一字一黃
絹煙霄攜綠筆仍自入吟院顧余誠迂愚辱君屢殊眄
游門篤舊友雅咏諧密宴國香蘭九畹詎比蓬艾賤琅
管俗耳驚雲錦凡目眩還君繡鴛鴦金鉞覓誰見

移種白丁香兩株

閒從老圃得深談灌植茅齋小似龕種樹寧為十年計
看花自笑一春貪輕陰晝永移簾押殘夢香清撲枕函
愛爾抱叢千點雪寸根銜取送江南

次錢蓼濟見貽韻

隻手誰能障巨河空驚五色眼中過
新愁岸柳低攀袂
昨夢宮花軟襯鞦韆楚澤三秋吟墜露
漢庭一笑失橫波
先生貝齒侏儒飽底用風前想玉珂

南榮有軒三楹縛竹為籬植雜卉其中以為游息
偃仰之地四首

讀書惜已老看花悔不早平生此二恨耿耿挂襟抱
七年京城居庭未見寸草天機紛六鑿世網觸九惱
豈知

物外閒熙春自媚好形骸
愁叔夜土木太枯槁吾師郭
林宗逆旅亦灑掃

枳棘編作籬薜荔裁為牆
年年貯秋雨草樹半已荒
京國苦風埃此樂安可望
盈盈得生意露下明月光
破蟄走百蟲昨來微雨涼
呼童縛竹埤花藥一兩行

文無催我歸海棠破昨夢牽牛始引蔓
錦帶已羃空纖纖白棣花萬點雪吹凍
勝春如佳人朱顏酒微中光隨暮色斂
香與曉風送嬾知世緣踈靜悟物態衆
鼠肝與

蟲臂擾擾爭羣動

南園飛蝴蝶翩翩若有情
花房釀游蜂戢戢如有聲
暗妍感時節辛苦各自營
我來卷簾坐讀書軒南榮
一餉亦云樂千載如可并
異時王安豐眸子秋水清
嗟哉營營子燭火安得明

送呂山濶之臨朐

讀書把丹鉛作吏就朱墨
書園足瀟灑吏事有程式
呂侯風雅才開卷欣獨得
當其下筆妙魁磊百夫特
只今

親簿書民事紛已逼莫輕百里宰大小各奉職才從百
練老節自寸莛植此中惟宜酒母乃負飲食又笑朱子
元奮髯太強力吾師蓋公意刑名本道德齊州桑麻川
沃土惟赤埴烟雨勸春田燈火惟夜織但期畢租稅未
用憂盜賊君才無不宜賢者詎可測三年課治行天際
翔羽翼看君任諫諍偉矣邦司直

送家兄子方之清流

行路何必蠶叢難千渦萬沫新羅灘磋磨一線千仞底

篙師談笑無波瀾山重水複阻烟霧孤城小驛開茅管
君今行持部牒去舴艋一葉凌飛湍陰崖暝谷濺急雪
坐覺六月溪風寒到官梅雨歇清暑萬山荔子方舒丹
訟庭無事數花落石上時有青苔斑清平長官父老喜
儒雅吏治琴書間對床應念老兄弟擾擾歲月驚雙丸
平生僻性愛水石念此不得同躋攀飛車恍若行萬里
坐我絕壑危峯間清猿夜夜月挂樹素馨一一香連山
閩州芳草滿沮澤百本好寄幽人蘭

送魏禹平之濟南

時赴李
觀察幕

七十二名泉娥姜水第一北為大明湖湖寺陰負日開
軒面魚鳥水木最明瑟物理感廢興故址亡六七惟餘
淨池水濫若咒泉溢年深壯蓬葦彌望日蒙密緬昔歷
下亭少陵有健筆千年觴詠地野水蕩為滴使君北海
裔文雅邁流匹經營還舊觀比者工甫畢豁達排天宇
空明俯泉室十頃開鏡匳一片拭琴漆濟南多名士土
風足紀述意猶不自厭千里盡僑肝君今囊書往文字

提一律虛徐夏景清散落濠上帙照眼荷笑渠紅妝翠
擎出輕舸弄烟水舊夢俄已失從君續前游欲往恐難
必

次韻送王令詒之茂名二首

王微風月蚤知名綰綬南巴萬里城雪客有時還隱鷺
金衣何處不聞鶯枕椰葉暗侵杯竿翡翠巢低偃旆旌
京洛舊游重記否六街塵土鬧春錫

各以篇章鬪苦吟門前馬驟復車駸分箋共打蘭陵鉢

索句休言單父琴海上著緋從政始鬢邊吹雪舊交深
蠻鄉夜雨應回首珍重瓊瑰贈別心

題松南釣磯圖

為令
詒作

春波鱗鱗遠涵碧孤月同同暝吐白萬條楊柳五湖風
三尺綸竿一片石卷中漁釣誰畫本江左風流此詞客
坐來興寄殊間望裡神光猶脉脉平生廊廟才自大
夢寐江湖性所適細觀鷗境訝許寬回首羊腸等閒窄
雲根沙鳥來有信磯畔春潮沒無迹先生甫里編庖篷

丈人江上容安宅
荊茆細碎安足道
苓筍縱橫竟何益
明年海上拔鯨牙
大笑天邊坐鼇脊

送金孝緒之德興丞

扁舟泛彭蠡
雲物入几夏
落帆歲寒山
林木森繞舍
官閒亦何有
俗儉人事寡
想見藍田尉
哦詩古松下

同方若霞汎晚過迎仙觀得九青六麻二首

重過蘚逕與莎亭
人似飛鴻此又經
好景一年看歷歷
秋光萬點散星星
松廊斜日陰初轉
石砌閒花晚欲零

芝蓋霓旌俱寂寞空餘薜荔短牆青

玉清歸路有棲鴉不羨唐昌觀裏花
冰齒猶寒青石髓回頭已斷赤城霞
壺中浩劫匆匆過鏡裏霜毛漸漸加
仙酒餘杭尚堪買煩君重到蔡經家

壽徐少司空四首

丹臺鳴佩玉丁東岳峻風標仰岱嵩
七葉英華傳僕射九州水土倚司空
謨謀朝右勲名大喉舌天邊地望崇
眷注方隆開濟日共看一德贊元功

螭坳索筆廿年餘一代文章重直廬
鶴禁每開前殿講
龍香時啓太清書
三霄露下珠交映
五朵雲裁錦不如
昨日南宮司玉尺
元和嘉祐轉移初

身兼忠孝古無倫
斑綵承顏色笑頻補袞
日攜慈母線
循陔節護北堂春
堦前羣從芳蘭秀
膝下諸郎玉樹新
最是素絲清節久
俸錢恒散故交貧

如公金石固風期
節貫暄寒冰雪姿
愛士數搜轅下足
微才曾獻卷中詩
洪爐久荷鈞陶力
哲匠親為儒雅詩

八月秋風歌進酒露華方溫鳳凰枝

題王茂京給諫仿荆關青柯坪圖

洪谷天成氣態殊關種古淡足工夫出藍標格無差別
一樣秋山樓觀圖

題李松嵐翠微寺圖

我愛西南峯三五總娟好何當領絕境佛閣破霜曉陰
陰秋樹暗一一寒泉繞他年兩芒鞋雙塔記林杪

送李約山之官涼州

似君文采駕枚鄒忽漫乘輅過隴頭司馬一官新按部
河西千里舊防秋邊庭鉦吹傳才子父老壺漿拜郡侯
滿汎葡萄倚橫笛桃花春醉古涼州

送沈昭嗣之官監利

東陽才子河陽令綵服還鄉破臘新千里江山方捧牒
一船琴鶴便迎親邑中霜橘探懷美郭外湖魚入饌頻
況是官閒詩思好渚宮西上待吟春

壽大司成吳楞香

巍峩今儒宗公如五岳岱延陵大賢後世遠典型在詩
書承累葉彪炳發千載傳家棣華亭聞者知友愛中有
養親園花藥繁多態公初讀書處黃山小樓對下有百
尺谿溪聲喧雲碓烟光變朝暮山勢爭向背發而為文
章卓犖壓前代起衰真大手落落誰與配煒如金殿草
鏘然玉堂佩公之博雅性蟲魚收細碎公得閩洛詮金
石間磬欬哀哀長安塵公獨樂恬退澄心觀往復貞志
絕尤悔高深詎窺測約畧舉其概平生門下士湜籍凡

幾輩昨年校春官鋤剔理蕪穢本以採蘭蓀何圖壯蓬
艾青衫上講堂辱公勤教誨百家搜寶秘六義精剪裁
侍坐每夜分燭跋見至再右曾薄材資有聞行不逮懷
恩無所報拊心常自悔公為王謝門玉樹種庭內海國
珠貝光天孫錦無類清和好時節晴雲卷黠靈一尊持
獻公南山翠如黛壽考咏作人菁莪資灌溉他年秉樞
軸微名置夾袋

送潘集生之官曲沃

連璧風神十倍加牽絲路指太行斜七年杏苑初懷綬
一縣檀郎只種花詩境小胥安筆硯官情老父話桑麻
銅琶錦瑟新聲好笑拂青鸞照臉霞

集生新
納燕姬

送錢叔鬯之官閬溪

金明池上杏園偏猶憶宮袍稱少年家有詩名傳大歷
官從雲棧入西川山迴劍閣春風早水接嘉陵夜雨懸
聞道閬中花最好歸栽梧掖柏臺邊

題放鶴圖

仙禽無凡姿矯矯九秋翮稻粱生計微雲水歸夢積主
人意閒遠共爾風露夕舉杯向青冥彈琴坐白石

上玉峯徐公四首

三星魁下指東吳萬壑流環海若趨宇宙大名前代少
制科高第一門俱夔龍望自中朝峻楊墨言從別派驅
開濟心勞勛德重始知經國在醇儒

邇英進講日瞳矐一奏幽詩早達聰諷議每移

明主意清嚴猶見古人風國家大手知無敵禁掖親題

歎絕工天下文章公望在韓歐陽有起衰功

海岳英華蓋代人由來絕業迥殊倫六經屢折羣儒角
九服齊扶大雅輪無事心常愛丘索有才誰不仰陶鈞
每看元老虛懷處吐握風流一旦親

春官玉尺手親持科目光華此一時嘗惜文辭傷篆刻
獨將經術作宗師士當失意猶無恨材苟懷奇定見知
只有公門慚小草也滋化雨伴仙芝

送朱敬如出守九江三首

望郎文采敵枚鄒旌蓋南行及晚秋三十宿宜新月色
二千石是古諸侯門前爐擁一峯秀郭外江看九派流
高詠琵琶亭上路使君何減白江州

世家喬木有清風複榭重闌玉一叢我愛清吟此才子
人言好士類司空雪車冰柱風標似秋月春雲意度同
合與匡廬作賢主瀑泉萬斛在胸中

間分翠管擘雲箋文字師門托契偏貪借異書常萬軸
共持杯酒又三年眼中簿領心期少望裏江山夢到先

觴咏情懷官況味北來時遣驛書傳

上陳太宰四首

青漢珊瑚闕作窗看公談笑便經邦人間爭御李元禮
天下不名張曲江華嶽西來通蛭螭黃河東下聽鈴撾
篤生合是山川力拔地擎天那得雙

太常高第早知名兄弟才華鶴算程雅以文章司瑣闥
正從經術重公卿寶書天上含毫入香案雲邊領仗行
每到

九重嗟賞處玉堂鈴索悄無聲

曾將詩格壓羣流大國齊盟數澤州倚出半峯姑射雪
坐來脫葉洞庭秋撐腸平貯五千卷頰首休論三十籌

王新

李

肥合

一時清望在每耽佳句輒冥搜

韓歐陽在許誰同屏底門生仰末風小草栽培嗟薄植
大鈞陶播倚元功霜清或解孤生竹絃寂還收未爨桐
自顧何人最惆悵敢將啟事望山公

送潘尹之官太倉四首

輸與髯卿此一官只教高枕勸加餐
銅坑紅綻楊梅熟
先上潘郎瑤瑁盤

分得君王符竹來宦名雖小亦悠哉
太平且喜稀公事
撥了文書近酒盃


吳中舊事未全荒畫本詩篇王太常
今日東園好風景
不妨騎馬數徜徉

曲殘紅豆最相思何處鉞樓祝喜絲
好為春風買桃葉
待教唱我渡江詞

雪霽寓齋小集

蹇然鼯鼯徑足音未易聞翩然鸞鶴姿叩門來數君數
君高世才聚或動星文輝光借蓬華警欬生風雲朝來
微霰集既霽仍清芬閉門手古帖不換千鷺羣車跡到
亭午醺杓逮夜分要當劇詩壘豈徒列酒軍我方同公
榮不飲亦自醺如香蕪百和乍染猶氤氲仰屋笑著書
此語古曾云吾徒亦何事糾輒長紛紛退之愛文字苦
嘲盤饌葷踏筵果可致寧當避羅裙陋彼下士語細響

同蠅蟲吾欲清其源三沐復三薰醉侯沈麴蘖左史誦
典墳知味出醞釀欲殖非耕耘文堂共麾幢詩酒兩策
勲熹微待朝影黯黹留斜曛



懷清堂集卷四

欽定四庫全書

集部

懷清堂集卷五

六五

詳校官左中允_臣瑯五珠

助教_臣常循履勘

總校官進士_臣繆琪

校對官中書_臣戴衢亨

謄錄監生_臣張鴻仁

欽定四庫全書

懷清堂集卷五

吏部侍郎湯右曾撰

贈喬石林侍讀四首

南宮風月已多時得路煙霄去較遲閒與墨卿為職業
冷看芸府是曹司關心小貯銅匱火過眼慵爭玉局棋
那更宦途論巧拙護花累石足幽期

有才如此合騰鶩尺一俄聞

詔旨傳泚筆露分仙掌上題名香繞

御屏邊遭逢魚水真千載顧盼風雲便九天第五何因
減驃騎品題況自玉皇前

漫將鉛槧笑儒丘稽古榮看禮數優一賦舊曾傳豹尾
七年今始上螭頭清班曠典知無愧密侍殊恩可易酬
公等自堪當世用不徒文采重枚鄒

每逢下直即談經萬卷書圍一草亭筆海濤聲天渺渺
墨池雲氣雨冥冥山圖落手懷孤往酒地當杯笑獨醒

蕭散肯容無事在即看魁下是三星

題殷彥來歲寒吟集後

先有漁洋山薑兩先生贈句

歌聲金石出閒居冰雪崢嶸歲漸除誰解何郎有佳句
一時沈范兩尚書

王赤抒舍人署其齋曰野航邀共賦詩因次原韻
淺浦深灣一葉舟
粳炊船尾鱸船頭
滄波倚櫂心常在
畫舫名齋事更幽
虹貫月時隨蕩漾
浪如山處盡遮留
舍人懷抱清於水
閒詠陂塘菡萏秋

花朝實君儀部招同諸子小集分韻得山字鋤字
飲食煩君召疎慵笑我頑酒宜排日醉人趁一春閒坐
覓林中草心貪雪後山百花開漸近鳥語變闌闌

手自營珍味交親意有餘未嫌官俸薄常恐酒杯疎
蟹門生議餅罌隔歲儲艱難吾後約菜把出烟鋤

送式如姪南歸

蓬山芸閣騰閒身雨雪春來卧決旬職事敢論三代史
俸錢不救一官貧庾郎鮭菜無兼味謝氏烏衣有雅人

每念竹林前會在愛君談麈往來頻

買得青帆欲渡江脩門別路水淙淙笑人多蠟游山屐
為我歸營聽雨窓迸石斑斑牆外筍揆醅灩灩臘前缸
燕雲吳樹勞相憶夢裏煙波尺鯉雙

送履中長老

沒膝街泥雨雪頻苦留莫漫笑因循師應桑下仍三宿
我已花前負一春衣鉢只如飛鳥跡江山好在野雲身
十年座下稱都講的有香門未了因

賜金園圖歌

為桐城尚書作

今之元老桐城公廿年論道蓬萊宮手捫星辰夾日月
蒸為甘雨噓和風許身真當稷契比高志夙與煙霞通
公家樅陽好巖壑楚山不斷青摩空龍眠翠壁看面面
亂入窈窕穿瓊瓏山莊李伯時故址留粉本公亦別墅環
其中敞開堂軒複架閣密插楊柳疎栽桐往年兼金
賜內府特以開鑿煩神工珍材豈分岱畎北異植或徙
溫房東君臣契合恩禮異書策所載誰能同我公風尚

東清素恥以富貴誇豪雄門前五畝耦沮溺但課歲事
觀農功雨餘丰茸春稻綠霜後擺耜秋塍紅愛山豈必
山中人我聞此語東坡翁公方為國作梁棟明堂九室
凌蒼穹鑑湖未須乞於越綠野漫自憐高嵩栖丘飲谷
事豈易遠夢空逐歸飛鴻虞山逸老妙圖畫紙尾薄技
餘雕蟲公之文章浩河漢下笑涓滴流滾滾它年從遊
許襄迪千里會買煙江蓬

病中查悔餘以詩見懷即次原韻

金匱要略卷五
蕭然敝几倦猶凭
僮觸屏圍喚不應
病覺雪風侵骨冷
貧憂藥物與年增
濛濛自護藏灰火
罔罔長懸照夜燈
多謝先生好詩句
愈風檄手更誰能

送陳斐公南還二首

襤褸殘雪照河干
送爾煙波倚櫂還
愛弟心傷春草碧
老親健喜舞衣斑
隱居學道人爭許
獨行持門事本艱
竹傘藤鞋泉石路
多應難似舊時閒

俗學真羞祿可干
草堂歸夢羨君還
雨餘翠竹穿窻小

花下紅魚嚼影斑靜愛著書人未老貧憐負米歲方艱
它時夜語香燈地照盡恒河悉等閒

次韻張聲伯孝廉見寄

早攜綵筆壓神州兄弟才名入選樓不少吹噓得任沈
獨將風格繼梅歐聯翩宦跡青雲上屈注詞源碧海流
遙想新詩滿河隴太行冰雪擁前驕

題朱北山寒雀圖

芭蕉葉枯霜已裂臘梅枝凍雪欲折寒雀忍寒拳兩翼

橋邊何者彈古舌

去年所種籬間雜花次第皆放

一年前此挿花叢也有滋培長養功小草無名雖瑣細
孤根得地亦青葱經春雪大開差晚直北風多掃易空
賤乞天工同愛惜數枝婀娜照簾櫳

與張九如表叔夜話

人生常飄飄風雨從所適五年如夢寐半面此良靚落
身簿尉中趨走上官檄王程無東西冰雪就遠役長安

僦居住斗米太倉糴通懷任舒卷豁意寫肝鬲我時困
厄羸終日卧向壁殷勤數問訊藥餌巾蒙褰先生丈人
行高曾舊親戚猶記我童孩繞床梨棗覓巢傾故家燕
管咽隣人笛念舊增歔歔撫時入感激於今太夫人濟
上且安宅雖衰猶善飯至孝神理格尊前一杯酒聊用
減憂懣晨鳧市已買早韭畦可摘歡游二三子情話朝
及夕君留能兼旬夜窓待虛白

合肥相公居廬三年常有白燕翔集作詩寄呈

禎祥召有由幽隱理不隔允矣大孝人天地為感格我
公曾閔性純懿洞金石祿養四十年愛日慮彌迫出踐
百僚上丹青功績入侍慈母顏嬰孩伺喜戚臨危呼
蒼昊籲禱躬自責淚盡屬纊辰血灑衫袖赤乃知終身
慕萬口爭歎息

朝廷恩禮殊中使問絡繹煌煌貞松字寵命

至尊錫碑綽歸阡原辟踊臨窆宵惻愴三年喪條若駟
過隙骨立居倚廬長號晝連夕悲泉夜潰涌枯樹秋蕭

撼寒吹振空山淒風結廣陌靈禽海上至皎皎刷毛翮
離襪冰雪姿映此麻衣白飛鳴不無意下上從所適終
朝戶庭間棲止松與栢徃者夢投懷瑞世生旦爽今茲
幽埏上感召精誠積世衰行誼薄頽波藉公激豈惟在
廟堂名德樹準的即今宜經際坐見風俗易元化調鼎
台人倫篤儒碩載賡白燕詞史乘流舄奕

晨起聞同舍諸君有豐臺之游口占

出郭休憑問訊書羣公作計未全疎
釀錢先日謀沽酒

好事東家許借驢一帶綠楊依水遠萬畦紅藥破煙初
可知鄆杜游應徧卧病清愁忍笑予

酬惠元龍庶常三首

故人久疎索羸病卧逾時合藥期仍卜看花約屢辭細
泉鳴石鼎鬪雀墮簷枝佳句勞相憶清愁胃亂絲

載酒楚江上哦詩淮海濱風流前日事惆悵十年人移
竹閒聽雨留花晚占春交情垂老大白髮數莖新

三載蓬山佳情親等弟兄青雲看後輩綠筆失先生土

肯埋龍氣風須送鶴程蹉跎君莫歎得酒再三傾

題悔餘蘆塘放鴨圖同錢石臣用鴨字

昔者崔白與徐熙各各蘆塘畫秋鴨君從十年圖此本
十里隨身在行笈江湖塵外饒啄食寒暑囊中等裘
箴浮漚漾影光動搖接荇穿蒲波唼喋豈同先生住甫
里亦與好景共清雪君才如掉溟渤鯨出語能令萬夫
壓六鰲一釣連龍伯下笑闌邊背唳唳道士鷺寧有意
籠海濱鷗本無心狎秋堂夜雨重把卷卧病經時寒白

裕也知幽事同襟期恍與高人接眉睫幾時倚柴隨君
去出險心如下夔峽驚濤擺闔駭浪輸淺水蘆花夢猶
怯君家兄弟深契託豈比恒情稱欸洽不妨詩酒成三
人共宅清漳我應夾南隣叩門船肯借北闕朝天履休
跋識路知歸暝向村沿流自遠晨放牖家鷄野鷺莫分
別聚訟紛然議禘祫只今秋帆理數幅別酒盈尊且勤
叩閒來放鴨偶爾畫裏看人空劫劫桃弓休問踏浪
兒卿去還應用卿法

初秋病中遣懷四首

一夜西風颭已秋，雨餘微潤在衣篝。
暄涼候覺陰晴異，造請忙因疾病休。
碧蘚嫩初侵露砌，夕陽沈更暝簾鉤。
不巾不韞差疎快，望裏橋虹晚欲收。

鶴長鳬短總堪嗤，忍病清齋燕坐時。
食蛤蜊寧知許事，索檳榔乃笑長飢。
可知說士甘於肉，差喜談兵畧似基。
倦即高眠醒便起，半縈香篆上銅匱。

歸歟鄉井興何如，菜把難營隙地鋤。
世上爭能無事事，

閒中聊復借書書
鷄蟲得失何關我
蠻觸紛紜可笑渠
瘦骨年來無一把
棲心只合在清虛

幽處微聞草木香
安排筆格與茶牀
雅思對客閒才語
暇輒繙書檢藥方
芝桂腴腴隨措置
龍蛇虎鼠任料量
蓬頭散帶丘明士
吐論縱橫或未妨

題項霜田秋樹讀書圖

司空三十車一過
不再讀豈知瑯嬛洞
萬籤未流目
況復千年來煙海浩
簡牘寶裝不觸手
緹裊空架屋予生

雖苦晚好古念久蓄幽森皇墳書寶秘金石錄涓滴乞
殘瀋氤氲可餘馥所恨推魯姿伸紙必三復得一九已
忘枵然負此腹年來更蕪廢塵土盜寸祿狐史一筆無
空名濫史局此心耿耿在詎便高閣束譬如撥灰深溫
磨火猶宿每逢佳士語輒接遙夜燭徐徐涉波瀾浩浩
脫邊幅君從故鄉來別更六寒燠平生舊游好命駕煩
屢辱時時歌新詩清音憂寒玉興來為長句千言筆應
秃旁隸史乘事朗若目親矚劉郎真善人能使家令伏

自春卧羸病擁被苦瑟縮喜君談天口博辯如炎穀東
方多澹辭詆啁語尤酷君才實具美分了十人足酒邊
徵雅令猶足咤庸俗我雖愧如歸君每來不速錙銖較
文字粗糲饜食蔬藪秋期整歸鞍湖海興已逐攜持視此
圖令我紙尾續一編秋樹根溜雨蒼皮感金天爽氣豁
眸子湛秋綠行當借一鷗從君舊山麓雖貧或未害日
煮二升粟

題折枝荷花圖

蘭橈桂楫倚來頻翠蓋紅妝晚更新不用鑑湖三百曲
一枝留待若耶人

題王赤抒納涼圖

取少陵竹深留客處
荷淨納涼時詩意

寫得新圖野趣長恍遊竹逕過蓮塘風開月影一林瘦
雨作湖聲六月涼高節最宜霜後色苦心猶帶水邊香
先生標格冰壺裏未省人間有暑光

正月十三日東江席上同姜西溟趙蒙泉吳元朗

張漢瞻宮友鹿用子瞻岐亭韻

東風吹何時柳色染新汁連朝曉夢裏花朵壓紅濕入
春春未動馬蹄空得得聞來叩君門推甕飲須急不知
陂塘外拍拍幾鳬鴨喜心封鮮腴暖氣上巾幕聞君宦
游樂腰下金帶亦愛君名士風手中羽扇白談諧二三
子取醉半墮幘酒酣哦新詩詩成鬼應泣纖纖月始生
旋圓俄復缺人生幾良會珍重座中客年年試燈期莫
忘此宵集

再用前韻送王雄飛之陽山

六年勤過從墨費幾斗汁半從酣醉後霑灑衫袖濕浪
擲虛牝金與君兩何得不知空釜裏飢腸轉逾急聞來
繞階除羣心妬花鴨君如瑚璉器暫用疏布罽玉川一
先生并少婢脚赤故園却火後彌望衰草白書劍久飄
蓬髮疎不滿幘才高身欲老相對如雨泣寧甘伏櫪歌
未用唾壺缺賢侯在中路行矣萬里客期君嶺海隅維
舟或來集

徐道積招集碧山堂感賦

仍到司空綠野堂
酒人詞客舊歡場
一生知己傷存歿
十載逢君各老蒼
天上鵷鷺堪接武
尊前鴻雁自成行
闌干十二春風地
幾樹繁花月似霜

賦得明月照積雪

次新城公韻

幽尋耿無寐
滅燭夜分時
起視雪千里
微明月半規
寒光坐起忽
素影共襪襪
誰似王夫子
巡簷獨詠詩

匏瓜

小園親種得
苦葉覆柔條
老藉霜斤斷
輕留竹杖挑
無

風聲寂寂醉月影蕭蕭歲晚南村外巢由好共招

與雄飛飲畢爾榮宅主人夜話塞上戰功殊可喜
也

小來氣決早知聞老去談兵尚一欣曾擊驍騰雲下賊
盡驚鼓角地中軍紅燈愛就文人語繡甲親從武庫分
駐蹕山前鏖戰處白衣誰省舊功勲

曲阜顏太宜人七十壽三首

華胄傳鄒魯賢聲著郝鍾璇閨內則畫戟自名宗幾

嶺千尋雪天陵百尺松長應紀彤史令德脩溫恭
最憶傳烽日城危壓陣雲九秋霜遽肅七日玉幾焚刃
血殷重袖冰心凜一軍閨惟有奇節瀛海接英芬
仙苑三珠樹爭看繞砌栽隔紗由母教視草見門才小
劫銷沈後還丹次第來鸞封下重疊令序正恢台

上掌院彭公四首

崇朝已遍泰山雲亞相名高海內聞此日師儒尊五緯
向來物望重三君回

天事每聞朝右掩卷詩常聽夜分一樣勒銘鐘鼎在却
輸公是寄斯文

鶴書曾記日華東朶殿晴開曙色紅萬里清文羅闕下
百年遺老訪淹中量才誰是淵雲敵下筆真無枚馬工
天上寶書題第一五花香散墨池風

十年芸局淡延襟別有耽佳好古心半篆香邊看冉冉
八騶車下任駸駸間隨客品酒清濁愛讀書如山淺深
只有濟南王學士時時花底共微吟

五閱仙翁日月壺憶從槐市列生徒人間名字榮諸葛
閣下文章比大蘇久識游魚潛沼樂待攜野鶴出林孤
舊師仍是嵩陽客笑奉金箱五岳圖

莽式歌

莽式者樂舞之名也歲以季冬隸習禮部畧如
古者百戲之屬甲戌十二月十四日余得寓目
乃為作歌

季冬臘日烹黃羊儺翁侖子如俳倡嗔拳雜伎鬧里社

細腰疊鼓喧村場太平有象自廊廟五兵角觝修總章
春官都試平旦集萬人睨袂東西廂南箕北斗供樓挽
繁絲軋竹同清揚閭驚馬出林吼虓虎很訝當道蹲封狼
劃然忽變戰場能金戈鐵馬聲鏘鏘左旋右抽嫻進止
先偏後伍紛低昂弓彎不射刃不斫徐以一矢定寇攘
髣髴觀兵耀德意詎止武力夸多方卷韝鞬脰起上壽
千年萬年歌未央昆明池頭夾棚路洛陽樓下列炬光
麟洲小水跨鴨綠九部亦得諧宮商紫羅帽邊挿烏羽

絳抹額上搖金鐙輕身似出都盧國假面或著蘭陵王
盤空筋斗最奇絕如電礮星光芒解紅俄作小兒舞
文衣綵繚顏昶霜戲馬關邊身便旋鬪鷄坊底神飛翔
踏歌兩兩試燈節秧鼓面面熙春陽牽絲底用魁礮子
阿鵲雅擅蘼蔕娘雙童夾鏡技渾脫晚出絕藝驚老蒼
弄丸一串珠落手舞劍百道金飛鏑我聞殿前陳百戲
緬昔制作傳漢唐魚龍曼衍雖技巧亦與民物闔機祥
賜酺懸知俗安樂拔河為卜年豐穰只今殿廷虞懸備

兜離傑休咸賓將鳴球拊石洽至德散樂亦預鈞天張
恍從輜軒採謠咏正以鞮鞻懷要荒書郎羸馬久憔悴
乍與鮑老同顛狂爰居縱駭鐘鼓饗舞鶴自應參差行
千周萬市狀倏忽舌橋目眩心蒼茫作歌形容莫究悉
竊喜六律調歸昌

東臯草堂看杏花歌

清晨叩門折東呼樹頭勸酒閒提壺芳郊走馬意不厭
況有十里春風俱東畬曉烟林木暗一帶細草茸茸鋪

萬錢几俎笑多事三月櫻筍煩新厨王孫天上本龍種
文采復與常人殊喜聞佳士甘勝肉愛拂官紙柔於膚
今晨召客昨宵往先掃禪榻溫僧爐香界庵前一把手
兩腋風駕登煙途暈香亭子森翠繞細泉入盞浮雲腴
風條露葉轉蒙密瞥眼仙杏花千株金明壓帽十年事
惆悵昔夢成老夫妍姿恰宜麗日暎憨態欲遣香雲扶
看紅看白情未足惜花惜玉懷仍孤只今佳時促芳宴
它日雅會思吾徒嬉春排日合洪醉東走脫兔西飛鳥

中年綠竹本陶寫一串頗愛歌喉珠沙頭玉瓶酒不盡
罍尊歡笑雜路隅柳條未放謝家絮蛺蝶新上滕王圖
草堂重開割鮮罷更抄雲子炊彫胡城門曛黃歸轡急
戀此光景留須臾鄉心每念一區宅歸興空憶千頭奴
羨君城南尺五地文酒之會無時無竹爐銅碾紛雅具
清詞妙寄非俗儒東風落手先一笑芳徑未遂沾泥塗
林亭韋杜倘許借斗酒更擬明朝沽

送張貞臣學士祭告南岳

尉候通重譯懷柔答萬靈天書頒北極祀事肅南溟衡
嶽仙人宅文昌使者星九疑聯屬遠綵筆啟幽局

典禮修三楚提封接五谿烽銷青海北文諭夜郎西共
識天威肅須令王會齊百蠻應震龍京觀築鯨鯢

漢瞻南行詩以贈之

如海長安城渺小一萍挂半肩寄圖籍兩耳聒梵唄時
時從朋好清尊叙情話吾子昂藏人一往喜踈快胸中
九雲夢細碎肯帶芥屢踏舉子場辛苦不得解蹉跎好

名字尚有文可賣平生韓吏部混茫接高派兩窮適相
遭合豈待媒介愛如北方蛩游比南海魴吟牋拂詩成
醉馬墮飲敗風流賭碁樂餘事猶為畫所嗟不得意青
山沈塵霾西風一颯沓客子感秋屆結束還舊鄉修途
遠行邁三年慈母心笑口北堂拜家臨太湖水朝夕看
澎湃青蓮網白棘果否路荒怪幽居洵可樂即事足瀟
灑相期春雨餘行園翦新薙

懷清堂集卷五

欽定四庫全書

懷清堂集卷六

吏部侍郎湯右曾撰

出國門別諸子

王程趣辦嚴結束事遠役昨宵故人酒離思紛已迫今
朝城南門風雨晦行迹依依戀親愛渺渺怨違隔須臾
意不忍沉在歲年別青山去遠迤迤待此萬里客遙憐
牂水漾漾瘴雲白回頭九衢塵燈火夢疇昔清游知幾

時悵望勞思積

涿州

南涉溝連北涉溝肅皇無復舊宮樓鳳池院裏新眉色
一帶青山入涿州

獲鹿懷古

石邑西來入亂雲花光嵐氣漸氤氳清思童水千巖東
險接陁山一線分東海青林神女廟南荒黃屋尉陀墳
茫茫舊史堪憑處刺有蒼烟送夕曛

憩曹氏水亭

澄泓鹿泉水流出碧山岑幽選一支瀉虛亭四面臨翠
深滋竹色雲薄散林陰濯足石潭曲松風清我心

為家兄篆辛題烟江圖

畫出長江疊嶂圖青林潮沒片帆孤歸心已逐鷗夷子
一點煙波落五湖

兄弟東山志趣同可憐束帶已成翁心知不愛高官職
樓閣江天夢想中

韓明府席上

弦索爭將風月清
梨園小部最知名
人間歇絕花奴手
九歲誰傳羯鼓聲

真定道中

滹沱一水抱城迴
慘慘平蕪朔吹哀
全趙山河平似掌
晚來風雨過寒臺

順德懷陳叔毅

趙國檀臺已廢丘
幾行雲樹接沙溝
草中蝌蚪書應在

城下鴛鴦水自流
酒肉朱門堪失笑
風埃青鬢足閑愁
最憐覓句陳無已
短策方為梁宋游

登叢臺

霸圖銷歇入閑凭
雲閣岩堯最上層
斜日烟蕪迷二水
悲風猿鶴散三陵
美人池畔蛾眉淺
鼎士臺中袿服曾
不斷太行山莽蒼
西來猶似識衰興

磁州道中

夾隄柳色暎泉流
溢口清源匯曲溝
二十里中荷葉路

水風吹綠到磁州

過鄭州雨後道寧肩輿雜出村落畦隴間青蔥彌望甚可樂也

午炊滎河飯晚指鄭城宿雨後清風生一日變涼燠僕夫畏泥濘迂道幾縈曲落身未麻中平野舞淨綠敷滎已可愛未暇計成熟平生老農書雖好未竟讀微官田園興久矣念空蓄但求陽羨米敢盜太倉粟吾儕亦何須衣食望粗足提筐出村女聯袂共牆屋悵焉感遠遊萬里雙轉轂

出西門一絕句

高低坡隴到今存槐柳陰中碌碡村我亦天涯念兄弟
斜風細雨鄭西門

寄錢石臣洛陽

穀城伊闕鬱青蒼水北山南古洛陽第一邦人重經術
遺碑存否蔡中郎

北地深知苦旱多千金遺竭近如何銅龍古器非難得
便是元康繼太和

淶水池應付劫灰團焦光氣本天開由來磊落英雄事
愛爾高歡酒一杯

九僧遺集叩禪關詩社風流逝不還何日縣南三十里
龍門諸寺接香山

春鳥秋蟬相續鳴東陽門外聽松聲伊川修竹真堪買
便合移家住洛城

東臯禾黍繞茅茨驅馬悠悠周道遲望裏何由見宛

平

洛幾回循諷右丞詩

禹州贈吳尉

頗愛人間杜五郎
閉門不出十年強
先生可是黎陽尉
試覓涼陰一本桑

六六峯前好卜居
丈人澗上未全疎
蘇州莫漫嗟卑吏
春草生時合著書

馬上

一天涼露斗斜橫
羅薦輕寒近五更
殘夢白河三十里
水荇花氣杜鵑聲

卧龍岡

古之求志人往往雜耕釣鳴呼諸葛公伊呂得同調隆
中吟梁父妙意寄歌嘯三分限王業一隅割巴徼艱危
氣逾振成敗事難料萬騎祁山東長星晦光耀英雄襟
上淚時往不可弔我來卧龍岡目盡遠山眇蜿蜒西南
斷千里自嵩少遙峯銜落日小閣耿餘照虛寢陰疎槐
上或施蘿薦英靈猶髣髴蜀魄子規叫成都八百桑古
柏賸遺廟極望勞岷岷夜猿同噉噉

新野

今日樂莫樂水上兩菖蒲不知何年花一笑風迴裾
公私亂蛙聲兩部鳴不已安得挾彈過湛湛一池水

白水村

風俗東都記文章西鄂存赤符千歲歷白水數家村銅
馬何知帝蒼龍尚有孫原陵蕭瑟久里社薦盤飧

襄陽懷古

馬蹄一蹴失荆門百戰山河殘角聲估客帆檣依斷戍

人家水竹暗孤城干戈格鬪英雄事賓從風流江漢情
鄴下諸郎如虎兕不爭劉表一書生

大隄曲

去去隄下舟望望隄上樓鯉魚風信急漢水不西流
宛轉唱桃葉哀怨歌竹枝攔街白銅鞮何如襄陽兒
美人楚雲端明璫大隄下一曲歌落梅肯換千金馬
結伴踏青游新妝待明發日暮行雨歸自惜雙羅襪
綠水浸紅紗橫塘漢皋曲五月南風生一夕北人宿

郎網縮項鯢一網出千頭持妾金錯刀欲前却還羞
王師北征大捷凱旋恭紀

憶趨班劍屬車旁萬乘旌旄下朔方共識靈威臨北戶
一時兵氣壓西羌朱旗晴閃

天王字青海秋寒太白芒鬱鬱關門吹急雪大風雲起
看飛揚

春邊首宿尚枯荻竟夕叢生天馬來九驛山川皆禹服
萬靈風雨護軒臺前軍一戰妖氛滅邊燧全銷絕域開

諸將不須分道入六師爭唱凱歌回

陰山天外插長屏積甲高齊熊耳形磧北已遮唐塞隧
漠南敢近漢邊庭規恢社稷基磐石一用干戈勢建瓴
萬帳降人皆不殺始知寬大在

朝廷

極北心殷隔九關喜聞霄漢捷書頒溫禺鞮獻燕然下
阿布思擒瀚海還

廟算如神收絕幕侍臣刻石紀封山自慚喻蜀西南徼

威德應須曉百蠻

登峴山亭至甘泉寺

簋與嘔軋傍城隈積霧霾陰黯不開一磴自穿雲氣入
萬峯爭送雨聲來山川浩蕩今如此裘帶風流安在哉
千載牛山共揮涕古苔秋井易心哀

雲藏巖谷畫冥冥忽聽天風響佛鈴草際老僧迎客至
煙中脩竹入門青坐來瀛海茫茫地盡失山川漠漠形
休問葡萄撥醅後甘泉一酌自清冷

午後忽開霽襄樊歷歷在目

誰教洗出翠娟娟恰與青鞵布鞵便飛灑雨猶行下界
笑談人已坐諸天雲生重覺衣裳潤谷轉還欣草樹連
不數太行晴了了山靈亦似舊因緣

習家池

賢達不買名況乃盡醉時山翁坐鎮日酩酊何所為舉
鞭問愛將拍手笑童兒風流逕千載流詠高陽池

臨鳳皇灘望鹿門諸山

漢廣詎輕涉況此驟風雨既霽昏翳除白浪猶掀舞江
亭晚置酒悵望臨極浦隔江鹿門山列嶂淡可數中有
隱君子塵枉笑州府崔徐亦雅游牀下誰客主襄陽耆
舊盡樵牧烟中塢蔡州高唱歇渺渺雲端樹南睇漁浦
潭水深魚所聚漁人競賽神坎坎叢祠鼓會看澄潭下
巨鱗出網罟

明日復過灘上

我昨凌飛湍足蹋千仞石濤波不可渡萬竅號竟夕坐

笑片帆耳蛟龍爾何惜空令雲木杪隔此棲遯迹明朝
初日亮馬嘶行意迫林端霞色明沙外練光白頓驚夷
險異波輒穩如席重留豈不佳嚴程遠于役車中省登
覽嗒然怵夙昔青山爭向背眷眷昨游客漢江還送我
十里照衣碧顧此雲物閑羨彼魚鳥適人生如蓬飄西
東我何擇但愧抱甕老五畝得安宅魚梁近可指何處
雲夢澤迴望穀隱山山寺失咫尺它年覩熊緣還著永
嘉履

斑竹鋪北十里

曉起風露濕暗中草木香微聞蟲啾唧漸覺山低昂一
縑綠蟻上中休似蟄藏荆南已如此愁絕瘴雲鄉

龍山寺樓

清絕龍山寺松杉六月寒斜光低雉堞遠勢出檣竿雲
物堪銷夏江天入倚闌傳聞潭五色步履試求看

五色潭在

寺左側

荊州

剩礎遺隍問舊疆
龍門馬牧總茫茫
接天波浪三江口
橫地風雲百戰場
尚有帆檣下巴蜀
無多戶口在耕桑
不堪原野蕭條地
吹角重城倚夕陽

戎馬士申逮甲申
萬家烟火幾家存
人如刳豕屠羊慘
事異黃巾青犢論
妖樹禍生天北極
怪風寒捲郡南門
龍陂橋外坡陀血
誰洗忠臣九地魂

地形天險楚江寬
欲借荊州自古難
虛笑百人稱武吏
豈同列郡領材官
雲臺特給親軍仗
玉帳新登上將壇

駿馬健兒君識否時平政要重師干

黃灘一線勢危哉駭浪驚濤打岸迴水國分塵空入市
秋風卧虎想登臺迅從巫峽千盤下濁比洪河萬里來
每念築堤能捍水始知高氏亦雄才

高氏堤五百三十里

孱陵

沙雜山厨飯風吹野館燈江深波浪惡月黑到孱陵

公安城東門駕小舟沿陂湖入不翳禪院

散帶披襟村路東小橋流水曉烟中行穿徑窄家家竹

喚得帆輕葉葉風但有僧皆堪入社況逢酒恰載連筒
時舟子方以買酒至邑綠漪笑爾波三尺一任蛟龍萬仞宮

塵中無地避炎蒸濯足滄浪勝蹋水清梵依依烟寺出
奇峯歷歷火雲升百年著我真浮客一飯何人愧老僧
菱葉荷花雙漿路他時聊記昔游曾

晚過來雲庵

暑光漸退晚涼天羽扇絺衣就夜禪脩竹徧栽隣
清江橫繞寺門前無猜沙鳥應如我重到山雲不記年

一室優曇花是否盆中草木總蒼然

夜半渡蘭江比曉至新田鋪岡巒林木鬱然深秀

頓忘行役之勞矣

澤國多清川方舟得屢渡蘭江波似鏡雙楫自沿汴昨
來白沙洲沙際起宿鷺還尋洗墨池崖崩已非故來雲
佛燈上一縷香烟度澄波延餘賞暝色入徐步三更天
風生缺月光微吐星芒翻上下黯黹沈水霧列炬棲鳥
驚征夫即前路

性怯既畏馬且還登我車登車苦顛頓夢寐無安舒復
起攬衣裳暗中思故書澧陽舊有蘭可紉不可鋤只今
白石上齒齒誰復餘物理異今昔人事同盈虛時見荒
陂中清露洗笑渠

山腰列騎疎熹微見曙色天光一以辨萬象誰得匿巖
巒走坡陀蒼翠淨如拭高低林木暗清泉流湜湜冥濛
南山雲俄頃滿山北山靈欲出雨久旱潤黍稷吾行叩
村扉一笑得飽食

朱立山太守見枉新詩奉答

夜涼卷帙自迴環坐聽青猿夢裏還彷彿白綿紅雨句

謝公亭外舊青山

太守有白綿鋪細草紅雨落
芳溪句往時在敬亭作也

夜郎西下最思君水複山長去住分柳葉湖邊連夕雨
桃花洞口萬重雲

澄江如練日哦詩公事蕭閑晝漏遲亦有清平賢太守
不曾拜表賀龍池

朗州司馬行吟處野水荒烟一片平今日武陵溪上路

金定四庫全書
卷六
與君同聽竹枝聲

白馬渡

山勢垂將絕江聲撼殷空
磴初盤鳥道人欲倚天風偏
仄喧呼急艱難道路中遠看帆影落烟渚曉濛濛

入桃源山牽蘿捫葛拾級而上洞穴宛然還過遇
仙橋細流淙淙欲求漁人纜船之所了不可得
故碑亦剝落無復存者

狹路披榛入仙源杳不逢空餘石橋水蒼蘚認遺蹤山

鳥幽自哢溪雲閑更封野僧無一事飯罷午時鐘

世外神仙宅雲中鷄犬聲捨舟何路入沿棹有人行聞
道春來水桃花幾瓣橫年年流出在長共楚江清

長阪鋪雨後

蒼溪西去總山程水穴風巖盡意行隔嶺雲含殘雨氣
抱枝蟬帶蚤秋聲峯攢古木陰陰秀雪濺奔泉瀏瀏清
正是暑消千嶂裏綠黏芳草愛初晴

辰龍關

東馬懸崖險關門鬱不開居然橫戟地曾此挂弓回浩
蕩妖星落蒼茫野吹哀兵家爭間道為語勒銘才

諸將
破賊

從郭家溪
小路入

馬鞍山

山行日以高起伏勢未已盤紆衆峯盡一峯倚天起峯
峯相羅絡雲氣間其裏雲生始膚寸萬狀變譎詭須臾
滿太虛一氣失俯視雷聲如嬰兒雨在絕壑底不圖人
間世險絕轉可喜汗漫乞天漿嵌空抉石髓正從九州

外瀉此一泓水

七盤嶺

百里轉絕壁萬木枝交撐下臨不測溪浩浩但有聲今
來登歷異目擊心已驚四虛無依倚巖崿起崢嶸石塌
容足劣徑垂如髮繁急雨吹山風重陰匿光晶山高風
轉削颯然飄衿纓古人仗忠信入險無異營性命絕可
憐煩憂一時并青林隱鬼火白日來山精誰能禦魑魅
懷緬傷我情

七夕詞

鍼樓河漢低露氣晚淒迷此夕清猿叫良人過五溪
脩纖月一痕長眉畫初嫁可憐新女兒燒香繡簾下
為君買香羅裁為金縷衣春風著來舞蛺蝶一雙飛

辰州江樓

楚澤深來地轉靈浮香沆止繞迴汀竹郎祠外昏山雨
燕子巖邊疊畫屏五嶺佛桑開更白

嶺表有紅佛桑頃在太守齋中乃更

見白者

兩京薺菜米還青武陵一曲吹羌笛言語侏僂不

可聽

漫成

天星寨高山入雲羣苗捷若猿猱羣十餘年前此窟穴
爆木營下屯諸軍堂堂大將執枹鼓汾陽遠孫闕虓虎
莫道潭中巨鯉魚橫海長鯨膏碓斧

村市鈔奪愁精夫漢家實布充國租熟苗咿嚶生苗樂
順宜喚喚逆當誅紅旗山下人相呼丈二尚有君王父
辰陽莫輕楚門戶遠控粵蜀滇黔隅

錦州大姓彭與田願比內郡興國年長官宣慰吁可惜
表裏傾伺為諸姦正嘉以還頻作孽麻瀘二邑無炊烟
安得感恩思秦刺史組練三千誓同死

官軍至多苗不畏

不怕軍多怕糧多此昔苗語也

餽饌不繼兵且退箐

林伏弩利鋌矛一縱獵火宜高秋人言石壘果可築上
因懸厓下深谷地形天險人必爭州家官府尤清平

昔者乾道盧陽西特與諸蠻布威信武安不救馬邑戮
古重徵功啟邊釁方今

天子德唐堯四門穆穆九譯朝如天好生性不殺苗乎
苗乎爾莫驕

江樓晚坐

渺渺危欄外泔泔暮雨來江山抱城郭燈火間樓臺濁
浪浮槎遠崩濤觸石迴三川驚暴漲愁絕且當杯

江漲行

君不見辰州城南夜將午馮夷江心起槌鼓老蛟跋浪
潛蚪舞六丁天符遣行雨江聲如雷轟百怪雨脚如麻

垂萬縷沈沈三日白晝冥仰視漏天那得補萬溪環滙
崩奔流汎溢漸逼中南樓間茅我亦江岸住日側水勢
聯方舟初來窓中星斗近爾日戶內魚蝦稠天瓢頓翻
兩龍子海眼誰鎮三犀牛窮山大樹蔽江下傍水老屋
隨波浮災祥未省五行志顏壓自為千家愁街中乘船
朝入市父老驚嗟童穉喜傳說曾經萬歷時七十餘年
重見此人家半扉何足道屋瓦沙痕留水底心慚河內
乘輅車浪說周南滯太史百憂集行路難明朝欲往愁

飛湍驅黿役鵲不得渡中夜敔枕危難安從來楚俗重
禱祀江神應復哀我頑香烟未絕風西南宿雨欲洗山
拖藍

晚霽二首

枕席濤瀾上人間憂患長身真踣蹙背路尚阻羊腸日
月終開霽風雷已退藏忽傳江漲落喜極倒衣裳
每恐高城決猶欣巨浸平鯨鯢終窟宅燕雀且生成捍
患時方急橫流禍不輕漫勞喧鼓角悲健雜江聲

詠古

伏波三輔英奇跡闕隴間晚成遇英主名並蕭曹肩據
鞍矍鑠翁垂老征羣蠻壺頭咽喉搯成功詎云難道暑
水毒淫跼跼愁飛鳶曳足視鼓譟見者猶哀憐身死印
綬收勲高賞不延傷哉薏苡以車讒鼎應雕鐫觀其誠子
弟刻鵠遠咎愆誰能易世後撫膺防未然我我銅柱標
長留極南天蠻祠喧蕭鼓玳瑁亦告虔巫言神醉止野
老舞蹺蹺突兀虛殿瓦歲久溜雨穿薄帷飄迴風仿佛

識遺顏緬思雲臺畫弔古留餘潛

三閭身既放長缺帶陸離瑤圃駕青虬崑崙驂白螭恢
之言彌廣侘傺世莫知上沅乘舫船凝滯江水湄辰陽
既夕宿淑浦行逶遲去國日漸遠雲日交蔽虧雪霰一
以零幽巖淡無姿渺渺洞庭波佳人見何時汀洲寒杜
若容與將遺誰蘊醢百不悔謠詠言其私芳馨與腥臊
詎得同器施華路啟山林鐘虞倏將移夷陵秦火入章
臺猶射麋雲雨巫山陽武關歸無期試招汨羅魂悲風

滿靈旗弟子亦搖落煩冤作楚詞

夜郎竟長流天末懷李白咨嗟赤霄裏鍛此鸞鳳翮四
明狂歌人天台坐忘客一見驚仙骨八極可揮斥賦詩
上金鑾非常主恩澤翻然乞身去浩蕩事遠適悠悠平
臺春汎汎滄海夕東南波連山潯陽夜挂席水軍旌旃
滿名高見驅迫浮烟揮賜金順逆不再擇九天一飄墮
萬里遂竄謫江潭憔悴容遼海流離跡匡山懷舊隱頭
白歸夢隔聲名王中允行在秦凝碧鄭老雲海間地下

誰蕩滌人生遭逢異往者非一格羽衣黃樓中追想年
五百當時投魍魎此樂得猶昔文章光燄長放逐天地
窄嗟哉武陽山萬古一片石

殊方

猛獠尸音接巴渝舊俗同鴉鋤荷蠻女桐子拾溪童土
禁丹砂穴家收白蠟蟲殊方風物異油素媿揚雄

船溪驛

久習靜便趣矧茲巖壑鄰溪風涼送暑山月夜留人寤

好開書帙牀虛拂簟塵誰知是淹泊延佇夙心親

大龍門

時暴漲
甫落

卷波吞岸谷炊黍少人家滄海真驅石恒河只散沙斷
崖崩礧礧老樹卧槎牙晚景顏簷下風吹杜若花

沅江驛樓

飛梁千尺偃長鯨斜日烟霏紫翠橫曾憶亂山沅水驛

徐玘沅州驛詞云秋
欲暮路入亂山深處

慣經遷客舞州城倚簾江映琉璃

色傍舍秋寒蟋蟀聲正是愁心孤迥處龍標明月晚還

生

龍標城距
州五十里

迴龍關

壁開翠峽迅湍流洗出晴雲秀嶺浮拂拭西風衣上雨
迴龍關下暮江樓

相見坡

清風生山巔微雨在山脚後山路始窮前山壁又削飛
龍中忽斷奔馬勢旋卻兩山鬱嵬我一水相互絡洩雲
天光漏仄壁石氣錯俯逐飲澗猿仰睇投林雀高低總

艱難下上殊苦樂彼途俄復經此路邈如昨千里同一
瞬青冥倚寥廓

飛雲巖

蒼然月潭寺秀絕飛雲巖玲瓏窈與圻幽閔神靈潛千
年水穿溜點滴滲石乳垂垂萬峯窠鑪鞴不得補

即事

山谷陰晴異西南氣候偏螺紋苗女髻鷄尾馬郎顛飽
食愁香米侵膚畏瘴煙猶防孔翠毒不敢飲流泉

清平縣

麻峽古阨塞歷代蠻所爭盤旋三重壁峭削萬仞城峻
極香爐峯百萬容勝兵漢水戶可汲沃疇人可耕在地
有設險誰能廢承平明初防戍卒九千此連營百年閱
武場草長蟋蟀鳴所以正德中羣苗復縱橫銳師下貴
竹勁旅來湖荆百道絕梯衝戰功何由成適會長至夜
銜枚卷麾旌火焚燄照天諸酋猶宿醒姦兇鬼神怒雷
雨殲滿盈七亭訪遺址落日悲風生黃猴落燈間故老


難指名空餘重岡路草木颯秋聲

高真觀

溶溶浴仙池三百歷年久仙人浴不起池下石犀守偉
哉張千戶殷勤報已厚鐵椎椎金魚封侯印如斗可憐
仙緣薄凡骨亦速朽懷中棗尺餘米汁那得取

平越客舍見田綸霞少司寇題壁

麻哈江聲夜擊撞西風老屋宇斜行蠻書一卷秋燈裏
不獨登臨憶侍郎



懷清堂集卷六